

ZAL’ SHEŊA ƁAN KPAŊSIR’ ZOSIMDI NI NAƁGBAN YINI ANDUNIA TIŊGBANA SUNSUUNI

LAHABAL’ TUULI

Ƴelimaŋli, behigu kam yi yen mali kore ni dariza zaŋ n chaŋ sal’ mini o kpee sunsuuni faashee ka be che tab’ bobbu ni tab’ muysubu yiruŋ yiruŋ. Din lan pahi, di bi tu ka boliyoli be be nimdi ni. Din nyaanga, di bi lan tu ka zab choyima ŋan ka alifaani gor be be sunsuuni. Ƴeltɔy’ yoya lala n yi doysi nam tobu, ka bebu koŋ tulaale. Sal-nim yi lihiri zem zal’ sheŋa ŋan be litaafi ŋo ni ka zilsigu ni fabila nabigi m-maan pahi nabili be sunsuuni. Ashee toysigu ni shaawara ni be sheli, fabila ni yolitem ka ka di beni.

Din ni che ka fukumsi ni muysigu sayim zosimdi ka sokam ti zor’ n bahiri o sol’ la, di tuya ka ti niŋ kookali niŋ ti suhu ni, ka zal’ sheŋa ŋankam be litaafi ŋo ni daalifaani tabili sokam. Zal’ sheŋa din be litaafi ŋo ni lan nyela din toŋdi aminsi ni zosimdi ka bukaata kam maana.

Tiŋgbana Naŋgban Yini Ƴayingu sheli be ni boli yubolig’ Yunaitid Neishins la nim zaa dihi nuu gbɔŋ ni ka dama be zaa yuya ni di kpaŋsi zal’ sheŋa ŋan zaa nye ŋan kpaŋsir zosimdi ni toysigu tiŋgbana sunsuuni. Binnamda Naa yiko puuni, paya bi gari doo, doo mi bi gari paya. Be zaa la yim. Ni dinzuyu be bor’ ni yeda ni suhupielli be ti sunsuuni, ka ti puha yooi tab’ zuyu, ka yelli kam ku nyaŋ ti. Din ni kpaŋsi ka zal’ sheŋa ŋan be litaafi ŋo ni maali sokam buchi, sokam maaime o nii n karim litaafi ŋo ka di kpe o tibili ni venyelinga.

Dinzugu, pumpɔŋo,

Jeneral Asembli Ƴayingu ni di

ti sokam lahabali ka dama

ZAL’ SHEŊA ƁAN BE LITAAFI ƁO NI ƁO NYELA

ŋan ni niŋ tiŋgbana ni sokam alifaani. Sokam, zaŋ n-ti tabli dunia-yili Ƴayingu balibu kam zaŋim zal’ sheŋa ŋan be litaafi ŋo ni n-niŋ waazibu, ka bo daliri din ni che ka ŋa niŋ bayaana ni achiika: Wulinpuhili, Wulinluhili, Nudirigu, Nuzaa, ni luyulikam. Amaa Zal’ sheŋa be ni yu ni ti zaasa kpaŋsi maa n-dii mbɔŋo.

N-dam 1

Sal’ la sala. Behig’ be sokam sanimi, din pa la amii. Suhizobo be sokam sani; ka namboyu beni. Suhubohibo mi bi lan koŋ yigunaadam kam sani. Dinzuyu dimbɔŋo zaa wuhiya ka dama di tu kamaata ka ti zaa yu tab’ hali ni ti puuni.

N-yi 2

Zaligu dinkam be litaafi ŋo ni nyela din maani yigunaadam bukaata zaŋ n chaŋ behigu polo. Zaligu bi ti soli ni so gahimmi o kpee. Gbampielli ka soli ka o gahim Gbansabilli; doo di bihim paya; so mi di zaŋ o daadiini din par’ o n zaŋ bobi o taba, o yaa zuyu. So mi di tɛhi ni o behig’ bee o buni bee o doyim dahibarka bee o bilichiinsi zuyu o mali yiko din zemdi o kpee bee n zaŋsir’ o.

Din nyaanga di ka soli ka so zem o kpee ni o tiŋ viel’ zuyu. Dun ya-nim nya suman-tali di pirim ni o ya nyays’ zuyu n lihi zem ban na be Soomanji-tali waamaa dabtim ni.

N-ta 3

So di pirim o woyiritali zuyu yeli ni o tum tuun sheli din gbarigir’ behig’ ka zal’ sheŋa ŋan be kpe bi ti o yelli. Di veeni ka kookali be sokam sanimi ka fawoyili kani.

N-nahi 4

Zaligu bi lan n sayi ni so zaŋ o yigunaadam kpee niŋ o bilaa; dama dabtim daawabu gariya ka di bi pora. Dinzuyu, taali n nye li ni achiika ni nir’ kɔhi dabili bee n da o.

N-nu 5

Zaligu bi lan sayi ni be niŋ so alaka bee fukumsi biɛyu din ka albarika di tooni ni di nyaanga.

N-yobu 6

Zaŋ n chaŋ dunia-yili loo bee dunia-yili zaligu polo, soli kani ka be tooi pii kayili ti so, ka pii doyu n ti so. Baŋ veeni nudirigu maa ka veeni nuzaa gba.

N-yopɔin 7

Zaŋ n chaŋ zal’ sheŋa ŋan be kundi puuni, yelli din dir’ tarima dir’ bilchina. Sariya dol’ la yelimaŋli, di bi doli giri.

N-nii 8

Sariya dibu shee, Gbampielli dini ka la di ko ka che Gbansabilli dini; dama ti zaa la yigunaadam-nima.

N-wei 9

Zaligu bi sayi ni yelwums’ choyima zuyu be niŋim nir’ fukumsi, bee n kpeh’ o duu, bee n kar o o yaanim tiŋ’ ni, o ba-nim tiŋ’ ni ka di ka soli.

Pia 10

Zaligu maa lan wuhi ni solibeni ka nir ni bɔ soya n tahi o sariya ben ni di li luyusheli ka zualinsi kani, be yi di o sariya ka di bi tiyi o nini.

Piniyini 11

Kootu yi di nir' sariya, n yi kpeh o la sarika, o mali yiko din zabiri oman zuyu, n bɔr lɔya-nima, ka be zaani o nyaana; ka nayila nun gba nyami ka lala nyela ningbuɔ-duyili.

Zaligu lan yeli ni di ka soli ka be nin nir fitiina ka di lan bi tum m birigi tingban sheli puuni o ni zia maa zal' sheli; bee zal' sheɲa ɲan be litaafi ɲɔ ni. Nir yi tum m-birigi zaligu, be darigi' o tibili la zaligu kundi ni buysi ni be ninim o shem.

Pinaayi 12

Zaligu lan wuhi ni di ka soli, sal-nim zamba puuni, ka be vihi nir' ni be ban ashili sheli din nye o dahalali; bee o daaliwumma daashili; bee o yili puuni daashhiya; bee n vihi o washiika sheɲa ɲan nye o dini; bee n bɔ daliri n filim n filim o yoli. Zal sheɲa ɲan be litaafi ɲɔ ni ze la sokam nyaana pa yino kɔ nyaan' ka ɲa zeya.

Pinaata 13

Zaligu lan wuhi ni sokam mali soli din gamdi o yubu tin ɲan nuu be zal' sheɲa ɲan zali ɲɔ ni.

Sokam lan mali yiko din yiri o ya, n duri tingduya ka tiligir' o ya na ka taali sheli kani.

Pinaanahi 14

Zal' sheɲa ɲan be kpe lan wuhi ni nir mali soli din zandi o nyevili n zɔr tiligira ka tin sheli o ni zɔ n kuli maa nim tayi n deeg' o.

Laabida, ɲunkam yi kpuɣi napɔɲ lala yi tummi n birigi o tingbɔɲ zal' sheli bee Tingbana zaasa Nangban yini layingu zal' sheli, o nye la o takahi bindi maa, dinzuyu, o ni va o bini.

Pinaau 15

Zaligu din be kpe lan wuhi ni nir' mali yiko din kpehiri oman zuliya sheli ni o suhu ni gbaai.

Di di pirim sheb' bee so suhuyubu zuyu n mɔɲ so yiko din ni che ka o tooi kali oman n kpehi zuliya shel' puuni o suhu ni yu.

Pinaayobu 16

Zaligu maa lan wuhi ni pay' kam ni doo kam: Kpuɲkpana waamaa Sayayelga mali yiko din kpuɣiri bal' sheli o suhu ni yu n namdi zuliya o yaa tariga. Zal' she ɲa din be kpe ni sɔɲdi dɔɔ shem, di sɔɲdi pay' gba la lala.

Zaligu lan kpaɲsi yeltoɣ' sheli. Yeda ni yeda shee, doo mali soli din kpuɣiri o suhuyubu paya.

Zaligu lan wuh ni doo mini paya n yi layim n nam tun. Ni dinzuyu, nama dahilibarka puuni, ni be su dɔɔ mini pay' zaami.

Pinaayopɔin 17

Nir mali yiko din zaani o dahalali azichi bee n nyar' sheb' pahiri oman zuyu ka be kper' wolima ni.

Dunia yelwumsa nun zuyu ni ninvuy' yino suhuyubu zuyu, soli kani ka be ni tooi fa nir' daazja.

Pisaayika 18

Behig' wuhiya ka dama soli kani ka so tooi bɔbi o kpee. Sokam mali soli din tumdi o yubu ka doli adiini sheli din par' o. O suhu yi ti lan je adiini sheli o ni doli maa, o lan mali yiko din loori adiini sheli din ta o yem. Limama-nim mali soli din kpaɲsir' be daadiini ka jemdi Naawuni be daahanɲkaya tariga ka taali sheli kani.

Pishiyinika 19

Zaligu lan kpaɲsi ni yigunaadam kam mali yiko din dir' o suhuyubu daalizama, ka di kun o ni bɔr' luyusheli, di yi pa alizan sheli din galim.

Pishi 20

Layingu dinkam gbibi maaligu, litaafi ɲɔ kpaɲsir' li ka ze di nyaana.

Soli kani ka nir' suhu bi gbaai minti sheli ka so tooi kum o yaa zuyu muɣsir' o ni o kpehi di ni.

Pishi-ni-yini 21

Zaɲ n chan tingbɔɲ puuni daalizama ni nye sheɲa zaa, soli kani ka di mɔɲ so di shaawar' sheli, dama zamaatu zaa shaawara n nye li.

Tingbɔɲ kam mulichi ni yu sheli, dina n nye waazibu. Be suhuyubu maa ka be maali tumdi tuma.

Litaafi ɲɔ lan kpaɲsi ni gbaaibu yi yen gbaai din vootim' vootir' maɲli n gbaai gbaaibu din ni zaɲ n tum tuma.

Pishi-ni-ayi 22

Zaligu lan kpaŋsi ni sokam mali soli din kuuni o tiŋ zuɣu; dama be zali tiŋgbɔŋ la ni so kam bukaata maani zuɣu. Ni dinzuɣu, tiŋgbɔŋ niima nyela tiŋgbɔŋ zaasa buni, ka di taada kam pa so saandi.

Pishi-ni-ata 23

Zal' sheŋa ŋan be litaafi ɔɔ ni lan wuhi ni sokam tumdi tuma ka bɔm o suhuyubu tuma din nye din ni sɔŋ o ka sɔŋ o mulichi. Sokam lan mali soli din duhiri o yee ka be nyar' tuun suma tir' o.

Nir' wɔligu bini ni nye sheli, di ka soli ka so tooi mɔŋ o li.

Tumtumdi kam veeni ka o dir' wahala ka be yori o la yɔ' sheŋa din ni sayi o mini o mulichi ka fukumsi ti yen ŋmani di gbaairi o la ka be sɔŋ o zaligu ni buɣsi shem kundi ni.

Tiŋgbɔŋ kam mulichi mali yiko, sɔŋsim soli zuɣu, din zaani be dintɔli layiŋgu sheli be ni bɔɔni Siliminsili ni ni Treid Yunions la ka di zabiri be tumtumdi' zuɣu.

Pishi-ni-anahi 24

Zaligu lan wuhi ni sokam vuhimi o daahaŋkali tariga ka tummi tuma saha, din nyaana ka diemmi bee n kperimi kperigu saha.

Pishi-ni-anu 25

Zaligu lan wuhi ni be nam behigu la sokam zuɣu. Ni dinzuɣu, sokam mali yiko din bɔri alaafee soya; dama a laa fee n nye binsheɣukam. Sokam lan mali yiko din wɔlindi puzuri ni sutura zuɣu, ni yili zuɣu, ni dinkam nye din maani ka pahiri behigu. Zaŋ n chaŋ gu-man daashiya mi polo, ni kɔŋsim doro, gbariginsim, dakolim, kuriginsim ni dunia yili fukumsi kam, zal' sheŋa ŋan be litaafi ɔɔ ni sɔŋdi sokam-mi.

Zaŋ n chaŋ bia mini o ma shee, sokam mi ni bia dɔyibu tɔ, dinzuɣu, bia kam, sheeje ni ŋun mi o ba zaa, zal' sheŋa naŋ litaafi ɔɔ ni zani yim ni bia la bia, ni dinzuɣu ban mali ba nim ni kuuni ka gamdi ka tiŋgbɔŋ nuu pa be zuɣu shem, ban ɔi be banim gba mali yiko din gamdi lala.

Pishi-ni-ayobu 26

Zaligu lan wuhi ni daadam kam mali yiko din bɔhindi karɔŋ. Gommanti n su yiko ni be yɔ sikuru bihi zuɣu ban na piini karɔŋ; ka na bi karim n chaŋ katiŋa la, zaa zuɣu. Talahi n nye li ni sokam tɔhi o bia sikuru. Tuun baŋsim sikuru-nim bi kɔŋ tiŋ kam puuni din dolisir' ban zuɣuri gɔr' ne n-ne la, ka be karindi n baŋdi venyelinga.

Zal' sheŋa ŋan be litaafi ɔɔ ni yeliya, ni di veeni ka baŋsim kam pahiri nir' la ninneesim, ka wuhiri bihi jilima ni suzuda ni behigu ni yurlim soya ni nye sheŋa; ka ti wumdi kpamb' yeligu, ka suɣulo be sokam sani ka tɔysigu be dunia-yili zuliya kam sunsuuni; ni Musulim-nim ni Yisa Nyaanolib' ni chefirnim sunsuuni, ka Tiŋgbana Naŋgban Yini Layiŋgu la nia kam pali.

Ba-nim ni ma-nim mali yiko din piiri karɔŋbaŋsim sheli be suhu ni yu ni be bihi karim. Zal' sheŋa ŋan be kpe wuhiya ni bihi ba-nim ni be ma-nim yubu la ka zaligu ɔɔ kpaŋsi n nyaŋ binsheɣukam.

Pishi-ni-ayopɔin 27

Dunkam suhu yu ni o kpaŋsi o kali soya bee o diem dien sheli, bee o wa wa sheli, bee o doli ninneesim so' sheli, soli beni ka di lan tooi niŋ o yubu ka taali kani.

Dunkam kpaŋsir' oman zaŋ n chaŋ baŋsim polo, ni ŋunkam lan kpaŋdi oman zaŋ n chaŋ o nya alifaani, soli kani ka so tooi gu di lan soli zaŋ n chaŋ o yubu maa polo.

Pihita-ayi-ka 28

Zal' sheŋa ŋankam be litaafi bil' ɔɔ ni nyela ti zaasa fali, dinzuɣu sokam ni tooi nyu bara n bahi ŋa.

Pihita-yini-ka 29

Bɔbigu shee, sokam mal' la o soli din kpaŋsir' o ka sɔŋd' o, ka o bebu mali danke.

Soli kani ka so tooi yeli ni o yu oman n-ti yayi. Yelli yi zani, ka be yen vihi yelli maa, zaligu ni zali shem ka di ti soli ni di doli, n yuli maali yelli maa ka di ta sokam yem.

Di ka soli ka so tooi gbaai gbaaibu ka o gbaaibu maa tayi Yunaitid Neishins bee Tiŋgbana Naŋgban Yini Layiŋgu ni buɣsi shem litaafi bil' ɔɔ ni.

Pihita 30

Ni di ti sokam lahabali ka dama be bi zali zal' sheŋa ŋan be kpe ɔɔ la nin yino kɔ suɣu, sokam zuɣu ka be zali ŋa. Dinzuɣu, zal' sheŋa ŋan be kpe maa ka bibielim soya zuɣu, bee tiŋgmɔŋ soli zuɣu. Dinzuɣu sokam luyim tibili venyelinga n wum ka di chib' o.